

## Oddiy muallim

Qadri bilinadi menga endi goh,  
Olis maktabimning o'sha behasham...  
Navoiy-ku bizga ustozdir, biroq,  
Kimlardir o'qitgan-ku Navoiyni ham.  
Shunday buyuk zotga xarf o'rgatgan kim?  
Oddiy muallim-da, oddiy muallim.

Tuproqdek xokisor, bezovta jonlar,  
Ammo qanotida tog'dek ulug'vor,  
Ammo Temurdayin Sohibqironlar,  
Pirim deb , etagin o'pgan bor.  
Qaysar joxongirga yo'l ko'rsatgan kim?  
Oddiy muallim-da, oddiy muallim.

Yo'qdan Beruniylar binolar qilgan,  
Mashrapni mashhuri dunyolar qilgan,  
Husaynni – Ibn Sinolar qilgan,  
Iloh so'z o'rgatgan kim?  
Oddiy muallim-da, oddiy muallim.

Lekin bu hayot nish-sanchiqlardan,  
Qoqilsa ko'targan qo'ltiqlaridan,  
Otadek ezilgan g'ussaga botsa,  
Boladek quvongan yutuqlaridan,  
Uyquda shogirdin o'ylab yotgan kim?  
Oddiy muallim-da, oddiy muallim.

Ulfat ko'p-u ammo bir do'sti hamroh —  
Halim topolmadim undan halimroq.  
Qancha ustoz ko'rdim, qancha oliygoh,  
Olim topolmadim undan olimroq.  
Bola yuragimda bebaho tilsim —  
Oddiy muallim-da, oddiy muallim.

Yuzga kiranman men Xudo xohlasa —  
Yuz yildan keyin bir mo'min o'rtog'im,  
Ko'zim yopib qo'ysa, jag'im bog'lasa,  
So'nggi safar sari otlangan chog'im,

Faqat bir kimsadan bo'ladi qarzim,  
Oddiy muallim-da, oddiy muallim!

## **Oddiy muallimim, aziz ustozim**

Mehringiz-la ochmish hayot ko'zini,  
Madh etmoqqa shaydur bugun ovozim.  
Sizga o'xshataman quyosh yuzini,  
Oddiy muallimim, aziz Ustozim.

Qalbi ezgulikka to'la, limmo-lim,  
Ko'kka yo'lladingiz — baland parvozim.  
Hamisha menga yor siz bergan ta'lim,  
Otamday ulug'im — aziz Ustozim.

She'riyat mulkiga oshno etdingiz,  
Kitoblar qatiga bitilar rozim.  
Siz-ki, boringizni fido etdingiz,  
Har nafas hamdamim — aziz Ustozim

## **Birinchi ustoz**

Qalam tutib qo'limga ilk bor,  
Yozuv chizuv o'rgatgan Ustoz!  
Eslagaymiz biz sizni ko'p bor,  
Ta'lim bergan birinchi Ustoz!

Bexuda ketmadi qilgan mehnatlar,  
Siz uchun yaralsin bari roxatlar.  
O'quvchimas sizga go'yo farzandlar,  
Jon fido aylagan birinchi Ustoz!

Bizni yetaklagan kamolot sari,  
Bilim berganida ketmagin nari.  
Aylana haqiqat bularning bari,  
Bilimlar chashmasi birinchi Ustoz!

Ko'p ozorlar bersak ham sizga,  
Barcha bilganlariz o'rgatdiz bizga.  
Bolada sho'xliklar qiladi menga,  
Deb yana boshimiz silagan Ustoz!

Hanuz sog'inaman yoshlik chog'larim,  
Deysiz bular mening o'quvchim.  
Ko'chada ko'rganda o'g'il,qizlarim,  
Qayta o'qisaydim birinchi Ustoz!

Bahorlar qaytadi yoshlik qaytmaydi,  
O'tgan bolaligim yoddan chiqmaydi.  
Beg'ubor damlarim kutub tursaydi,  
A'lo baholarni olardim Ustoz!

Shamshod Safar o'tdi yoshliging,  
Ko'p beg'ubor ko'p sho'xliging.  
Armon bo'ldi aziz maktabing,  
Siz ardoqda birinchi Ustoz!

## **Ustozlarim so'zlari**

Quchog'ingga kelganimda,  
Jajjigina qiz edim.  
Senga hayrat-la boqqan,  
Ikki chaqnoq ko'z edim.

Kun sayin g'o'r dilimni,  
Uyg'otardi saboqlar.  
Men bag'ringda ko'p topdim,  
Dugona-yu o'rtoqlar.

Yuragimga joylandi,  
Ustozlarim so'zlari.  
Maktabim, yo'llaringda,  
Qoldi jajji izlarim.

Bir kuni shu izlardan,  
Boradi mening ukam.  
Men kabi quchoq ochib,  
Kutib olgin uni ham.

## **Keksa ustozimning sochlari oppoq**

Bilim — katta daryo, ustoz, siz — mirob,  
Millat ravnaqida murabbiy — oftob.  
Zamonlar o'zgarar, asrlar o'tar,  
Quyoshdek o'zgarmas Alifbo kitob.

Kundaligim varag'ida baholar,  
Goho a'lo, goho ikki jazolar.  
Yo'l topdik. Ranj chekkaningiz ganj bo'ldi —  
Bolalikda to'g'rilandi xatolar.

Esdalik daftarimni qo'lga oldim,  
O'quvchilik davrimga nazar soldim.  
Kechirgansiz qancha sho'xligimizni,  
Sabru-toqatingizga qoyil qoldim.

Keksa ustozimning sochlari oppoq,  
Ko'zlari mehribon chaqnaydi biroq.  
Bilim va ma'rifat o'rgatar hamon,  
Hayot maktabida chalib qo'ng'iroq.

O'qimasak, takror o'qitgan, tolgan,  
Manglayida qator ajinlar qolgan.  
O'sha ajinlari tufayli xalqni,  
Kelajakka eltar to'g'ri yo'l solgan.

## **Raxmat sizga ustoz**

Oqargan sochingizda,  
Meni ham hissam bor.  
Siz borsiz menda doyim,  
Bo'lar omadlar bisyor.

Siz bergan saboqlardan,  
O'zimni o'nlab olaman.  
To'g'ri fikr chiqarib,  
To'g'ri yo'lda boraman.

Siz misoli bir quyosh,  
Sizga intiq o'smir yosh.  
Agar siz bo'lmasangiz,  
Bo'lamiz bizlar bebosh.

Hayotimni yoritgan,  
Sizning katta mehringiz.  
Hamma narsaga yetar,  
Sizning jajji aqlingiz.

Biz sizni hurmat qilamiz,  
Bizlar sizni sevamiz.  
Siz bo'lmasangiz biz,  
Kimdan ilim olamiz.

Sizni sevaman ustozim,  
Siz o'zingiz dil torim.  
Hayotida yagona bo'lgan,  
Ilimga to'la gul bog'im.

## **Ustozlar omon bo'ling**

Yana qalam ushladim.  
Sher yozishni boshladim.  
Talablarga binoan.  
Ustozlarni maqtadim.

Xalqimizda bugun bayram.  
Jonajon ustozlar kuni.  
Xar bir ilm olgan odam.  
Qadirlaydi ustozini.

Ex ustozlar bor bo'ling.  
Doyimo kulib yuring.  
Biz yoshlarni baxtiga.  
Doyimo omon bo'ling.

Xammon yodda saqlanar.  
Birinchi sinf darsliklar.  
Alifboni ochib berib.  
Ustoz bergan saboqlar.

Gox so'ylaysiz xayotdan.  
Bilim berasiz kitobdan.  
Saboqlariz olgan odam.  
Xech qo'rqmaydi sinovdan.

Qancha maxtov bo'lsa kam.  
Chunki siz bor yorug' olam.

Ustoz ko'rmagan odamni.  
Tan olmaydi bu olam.

Bilib bilmay sizlarni.  
Ko'p rajitib qo'yamiz.  
Umir o'tib kech bo'lganda.  
Afsus qilib yig'laymiz.

To'g'ri bazi payitlarda.  
Siz xam qarab turmaysiz.  
Qo'l ishlatib ursangizda.  
Yomon bo'l deb urmaysiz.

Bo'lsin erkak yo ayol.  
Tilim berar extimol.  
Ular bergan saboqdan.  
O'zligingni anglab ol.

Nima deb atay mualimmi.  
Yoki ustoz, domlajon.  
Siz siz xayot xayotmi.  
Barchangizdur jonajon.